



秋澗先生大全文集卷第八十

中堂事記序

余自釋歲讀書頗有志於世南及壯年彈冠應聘適際夫

風雲慶會千載一遇之時荷囊載筆從事其間以至密邇論思醕酢吏務霑香紅藥之階接武

雲龍之地若有所遇而大有以爲也不圖爾後蹭蹬於仕途者廿餘年回視嚮之鴈行而請署者川冰雲飛觸目皆是比量薄分蓋有無非命者况今日就衰謝百念灰冷有求田問舍躬耕種樹而已然覺吾曾中耿耿者尚在及閱故書復得當時直省日錄觀其諸賢



聚精會神於一堂之上所以開太平之基播無疆之
休者班班可見因略為修飾題之曰

中堂事記庶幾有閱是編者知予生長明時雖無寸
補亦嘗饜

邦家之光為閭里之榮也藏之篋笥固不敢以千金
享之異時有索野史求史臣中舍之所遺逸者不無

一得於斯焉至元二十四年丁亥歲秋九月七日前
翰林修撰同知 制誥兼國史院編修官左司都事

秋澗老人謹序

中堂事記上

庚申年春三月十七日

世祖皇帝即位於開平府建號為中統元年秋七月

十三日立行中書省於燕京劄付各道宣撫司取儒

士吏員通錢穀者各一人仍令所在津遣乘驛赴省

惲亦忝預其選是年冬十月至燕以三書投獻

相府大率陳為學行已逢辰致用之意頗蒙慰獎令

隨省通知計籍使綜練衆務日熟聞見焉時

行中書省官四員

丞相禡禡資嚴厲凜然不可犯 初與世用行六部於燕至是就用為行省長官

平章政事王文統字以道大定府人前經義進士

平章政事趙璧字寶臣西京懷仁縣人 賀弘偉能任六事以氣量雄天下

叅知政事張易字仲一太原交城人資剛明尚氣臨政善斷符士以誠忤之不復與合

郎中

賈居貞字仲明真定獲鹿人金尚書右丞益謙之孫資聰敏有左氏學通諸國譯語

郭榮祖字榮叔燕人部令史出身廣詳雅能酬應事變自

晉汝賢字才卿燕人班祗令史出身資陰克有幹局

負外郎

王德容字仲寬河間將陵人部令史出身

張桐字子華燕人班祗令史出身

邢敏字公達京兆人部令史出身

都事

劉郁字文季潭源人

王德輔字良臣陳州商水人經童出身

提控令史

李惟信字舜臣西京人前進士

楊文卿

木甲謙字和之遼東人

楊恕字誠之

左秀省掾

馬璘字文玉燕新城人後叅知揚州行省事

樂思齊字齊賢燕人

王文憲字仲玉東平人終濟南經歷官

劉傑字漢卿益都人

王守正字賢之新城人

朱筠字庭秀大名人

楊顯字伯崇鎮之無極人今為黃北屯總管

楊漢字身清鎮之藥城人

楊珍字國寶鎮之中山人

蔡新字捷玉相州人

馮燮字高唐入

高明字柔克外樂人

陳鼎字取新真定人

閻沂字巨川行唐入

李整字裕鄉相入

右房名錄
袁裕字仲寬孟州孟津人轉順德總管

李鼎字器之相人

劉作字述之拓城人

吳璧字國器邯鄲人

張安仁字壽之

宋璋字國寶拓城人

梁德佐字輔之燕人

張適字濟之平樂人

劉濟字巨川

周鼎字器之燕人

張楫字巨川覃懷人

架閣庫官二人
邊 字正卿德興人經童出身

王和鄉太原人

典吏四人 劉謙字伯益

盧慎字慎之洛州人

侯康濟字仲澤真定人

王顯鄉熊岳人黃華姪孫

趙文輝字克明燕人

張贊燕人

斷事官

阿虎亥

麥肖

曲天八合赤

唐古解

老塔察兒

其子燕真今復為斷事官

亦捨哥

幹脫赤

忽都奉

御

奏事官

楊仁風字文鄉潞州人今為真定等路宣慰使

定省使一人

班庭直字舜鄉山陰人

奉使三人

孟甲字文伯太原介休人嘗奉使大理有光遠功

武茂字茂卿平定州統軍

劉芳字世傑中山人

知省印二人

許揖字公庶太原忻州人

杜字純甫

通譯使三人

阿里和之西域人

道奴大哥

王合刺

王炳字煥鄉太原人

宣使五人

李顯祖字顯鄉相人

蒲散禧字仲康終涿州尹

王好禮字立夫真定人

楊鮪木兒

竇際字清甫平陽洪洞人

夾谷忽都虎今為真定寺路宣慰副使

回回譯史一人

麥米丁其所譯簿籍揭沿方厚尺紙為葉以木筆挑

書普速蠻字該寫眾事紙四隅用縷穿繫讀則脫

而下之今為平章政事

書填勅令令史二人

馮松字壽則今為河南北道按察副使

馮紹字子卿

李從周字文則東平人仕至東朝斷事官
掌故二人

馮涓字清甫真定人亡金松庵之子省令史出身

完顏良輔亡金省知除房令史

詳定官三人

楊威字震亨太原太谷縣人 治春秋義

張永錫字孝純太原人

周止字定夫濱州人資強發有口多記前人利害事

條因言事見稱在當時有足觀者都堂懸其卷於

幕中用勸來者自是游道頗廣嘗權石司都事

講集太常禮樂官三人

許靖字唐臣安平人以三策終場試太常檢討

郭伯達党仲和昔東平人同講究勾當編類一切儀

禮及祀典合祭諸神等事

拜習供衛事官二人

樊興嗣字作堅燕人

時令彩畫 鑿駕一切儀仗服色等物及教習隨取到控鶴等入授拱衛大使

省理問官二人

蔚祚字天祿

人律科出身

邊 字邦傑

人律科出身

張雲鵬字鵬飛燕人今任浙西憲副

掌記二人

魏初字太初順聖人

魏學士運孫思廉之子初掌書記繼為邊關防令史令編類一切口差稅課地

各所塞等事宣課自頒省立類幾何迄今增益幾何餘皆類此

檢法兼錄堂一人

沈侃字和卿大名人法律出身終陵州同知

堂尉局長一人

張抄兒赤

省警二人

元鐸字振之獲昌人

楊肅字君卿燕人

鑄印局官三人

劉淵字仲廣濟南人劉狀元子

劉驥字思齊通州人 前進士劉晉德新子

王利用字國賓大都人

文鈔提舉司官三人

張介字介甫燕京人部令史出身

梁 字秀實燕人

王煥字紹明

又有抄緝房

印造局

藏造銀貨局

元寶總庫官

李元字唐卿河南緱氏人前進士第

王鶚按

確貨司官二人

郭儀字宜之真定人部令史出身

王諤字諤臣燕人

高億庫官二人

魏祥卿魏學士姪

馮

文鈔庫官

高漢字濟民平陽人

哈 字子敬潞州人

應辦供頓官四人

郭汝梅燕人終南京總管

重陽二哥

斜飛西域人

李瑞字天祥潞州人吏員終襄垣縣尹

到省聽任人負

康天英字國才相人

胡祇適字紹開武安人終山東按察使

李謙字受益令翰林侍讀學士

劉宣字伯宣太原忻州人

韓璜字寶之平陽人

馬天驥字彥良磁州人

陳祥字君祥大名

張煥字彥明濟南人

劉仲祥東平人

張適祖字仲賢順天人

白俞字舜俞

吳讓字謙甫

時選至省者士人首以有無生理通曉吏事為問及取要所業文字蓋審夫資身之術或能否從事及手筆何如耳又擬以士人充省掾吏員補兩部令史東平士夫李謙聞之不欲吏辭去

時堂議擬令諸掾巾裹一衣阜服仍佩書袋於上或曰書袋廢已久驟用恐駭觀聽若巾裹服止阜褐二

色儘表於衆遂行焉

是月朔建葫蘆套省倉落成號曰千斯時大都漕司勸農等倉歲供營帳工匠月支口糧此則專用收貯隨路攢漕糧科祗脩應辦用度及勘會亡金通州河倉規制自是舟漕入都常平救荒之法以次有議焉諸按下一五戶絲料譯語曰阿合自來就徵於州郡堂議云如此是恩不

上出事又不一於政體未便奏准皆輸大都總藏每歲令各按不差官赴

省驗數聞文

其法每戶科絲二十二兩四錢二戶計該絲二斤一十二兩八錢其二斤即係納官正絲內正絲色

絲各半外將每戶贖餘六兩四錢償至五戶滿二斤數自付本按下文用謂之二五戶絲以十分論之納官者七分按下得其三焉

十一月甲子朔二日乙丑時夜禁甚嚴慮公幹有礙今有司置夜行白油木牌雖官府貴近非此不敢輒出往時一切無賴等入侵暴不法之事盡行斂息

時應乘驛馬皆從省府給降劄子堂議亡金時馬

劄子上畫墨挑紀數今宜印以墨馬遂用之如三四

者三馬五匹者五馬仍用省印以傳其上

癸酉濟南宣撫司申宣

副使王磐

先生字文炳永年人前憲士第道院鹿庵

士致棄職去相府以憚係

帝生令作書云省

留之迺執覆口

鹿菴先生人品高邁宜膺大受不可處之人下雖言之恐終不應不若從其好遂止

初行六部所會東平路民賦帳用或有言朱熹者

堂議欲覆實之令周止劉芳王憚等置石磨勘都事

劉郁領其事於上憚等力言其不可不允至于再三

曰徃事不宜究問此若一行非徒無益適足取怨

衆怒不可犯也宜詳思遂寢

時衆陳言等人以中元所降

詔書內一款節該有上書陳言者皆得實封呈獻若

言不可採並無罪責如其可用

朝廷優加迂賞以旌忠直至是日有言以求用

堂議令詳定官分間其言為三等如體用兼備切中

事機文彩可觀者為上雖乏文華其指陳利害有與除之方者為中餘皆為下除見區處入數外其餘量給路費省會寧家聽候

十二月甲午朔

時於省東織造局置司集諸路計吏類校一歲簿帳時相領務者退食後日一至按閱程務有未便即改立體式肅如也

詳定官揚威以星變陳書省官宜解機務以避賢者

不然且有大咎

先生名威字養亨揚之承安人資剛直敢言通天文知金本毒從軍陝右以勞充帥府議事官至元十年襄陽降安撫呂文煥

過磁先生以詩議之有云設若汝不來宋祚能有幾頃知李陵生何苦張巡死也

壬寅夜大風雪寒苦時中省官僚未明已即寧過補始散是發僚屬有後至者省官諭之曰風雨晦暝常

情例懈在公者當夙興益勵可以辦集而徹其餘也

闔省為暢然又曰百姓宜安刑罰宜省稅歛宜薄寬

抑宜察追呼宜簡判決宜審用度宜節興作宜謹燕

會宜戒思患宜豫防此雖古語於治道且盡可不慎哉

燕省自來置廢官西臺上賢臨近市不稱且瞻以移省事

上聞奉

聖旨遷四王府其

列聖神主奉安聖安寺瑞像前殿明年以梁善老故府

為省署仍以金都省舊額榜焉

時又於煙霞觀摘委房長纂類一切合奏機務如錢

穀數日事事比附舊例多寡有本有末使見即日優

劣大槩總撮要領從簡易知極其略殆笏記之体云

中統二年辛酉

正月癸亥朔

丞相禡禡行帳頓拜郊臺下省事日集舉遊南園隨
省所從便首相故也

癸酉左司都事劉郁被譴既而辭退堂議以前進士

揚恕代焉恕字誠之金內相文獻公子舉人經義第
成德君子也後為翰林待制終揚州尹

省府為發下中統元寶交鈔榜省諭隨路其文曰省
府欽依印造到中統元寶交鈔擬於隨路宣撫司所
轄諸路不限年月通行流轉應據酒稅醋鹽鐵等課
程并不以是何諸科名差發內並行收受如有諸人
賫元寶交鈔從便却行赴庫倒換白銀物貨即便依
數支發並不得停滯每兩止納工墨鈔三分外別無

尅減添卷錢數照依下項擬定元寶交鈔体例行用
如有阻壞鈔法之人依

條寃治施行據此須議出給者

一諸路通行中統元寶街下買賣金銀絲絹段疋斛
斛一切諸物每一貫同鈔一兩每兩貫同白銀一兩
行用永為定例並無添減

壹拾文 貳拾文 參拾文 伍拾文

壹伯文 貳伯文 參伯文 伍伯文

壹貫文省貳貫文省文省如七十是百十是陌若使同銅錢
便省官目利益鈔文故先作文省二字

一各路元行舊鈔并白帖子止勒元發官司庫官人
等依數收倒毋致虧損百姓須管日近收倒盡絕再
不行使仍於庫司門首張掛
省諭諸人各令通知

照勘隨路祗應中間多涉冒濫議欲行批券法曰此
法止可約束委奏差疾足而已達官巨僚不能盡然
遂止明定分例行下各道

時圖寫歷代君臣可法政要及自古太子賢孝等事
祗備向前進說

十日壬子

親衛董文炳字彥明藁城人來自北庭知我軍大捷
中外稱慶

省府議所有合行事理剖付各路宣撫司榜諭者其
文曰

皇帝聖旨裏行中書省禡禡為頭官員欽惟
皇帝即位之初下寬大之

詔卹疲困之民除舊弊立新政條畫非一期於民共
享有生之樂省府恭承

聖訓方將撫治間大軍調發供給軍須轉輸糧餉逐
急催辦文繁事冗不無少有騷動照得續奉

詔書節文軍方弭而復興民甫休而再擾欽惟

聖憲已嘗軫念及此蓋遇一時之變者難拘定例圖
遠大之功者未免有勞人費物之舉凡此等事皆
非得已為天下害也近奉

聖旨節文

大幹魯朶人來也其餘軍人與民戶每亦多投拜了
也即日無咱每迎敵底人也省諭軍民安業務農
者欽奉如此欽惟

皇帝仁民愛物之心自今已往復得盡行施設今照得已未行事理條列于后務要實行非止虛文而已旨行榜示者

一軍馬之事糧草為大近為大軍調遣方當征進之日未見迴軍之期省府扣筭年銷所用糧料程草驗諸路均科除各處存留抵應外撥赴軍儲省倉分作三限送納省府非不知民力困乏遠倉生受緣為軍儲必用之物若不乘此農閑時分送納將來失候軍儲不免再行動眾般運如此則今日之勞却無春夏之時也至日不惟兩水泥涸民力轉致生受又是妨奪農務失候歲計所費又甚於今日也近

聖旨已將喂馬草料槽煎等物盡行住罷省府恭承聖訓恤民之意據已科遠倉糧以三分為率初限一分展限至年終赴所指倉分外中末限二分至今年二月終盡數改撥各就附近河倉送納上是帶納水運脚錢將來官為雇脚般運再不動民扣筭今年遠倉糧數比附上年各處赴軍儲遠倉稅糧三分中爭一分數少亦是減省民力即日年銷糧料足用仰省諭農民作活

一欽奉

聖旨罷散喂馬程草等事省府照得已曾行下各路宣撫司將已納到官草數除各路年銷外盡數給還本戶若有未納者亦行停罷并將元准備夫役

槽前等盡數教散歸還去來切恐所在官司因而
作弊私下拘占人夫槽前仰宣撫司照依已行罷
散據各還本主數目遍行省諭無得隱匿尅減務
要實到於民

一今為軍馬調度凡衣襖器仗馬疋等物省府委官
支價收買并般運糧斛脚力駱駝車仗皆係官錢
在覓外據毛連夾袋止是借倩民力縫造並無賒
借科着等事切恐在下官吏等中間作弊指托軍
須為名一面揭借或有名和買不支價錢雖支價
錢却行尅減上下蒙蔽以致人難深失

朝廷優恤百姓之意如有似此作弊之人許令陳告
以馮究治施行今後遇有合用物件依前支價和買
一為去歲桑蠶田禾間有災傷去處欽依

詔書已令各路宣撫司驗災傷分數從實減免差發
外不被災地面亦令量減分數如此存恤猶恐人
難以以漏籍并老弱等戶協濟本處當差戶計庶
望民力少得休息外據宣課事亦令驗委實偏重
去處量行減免所有鹽貨聽從民便買賣食用並
無樁配給散之家此皆

聖主仁政之所先也仰宣撫司照依已行事理施行
一欽奉

詔書今後各處應有久遠安屯并時暫經過軍馬合
用糧食於官倉內驗數支給却不得搔擾人民仰
各處管軍官管民官並互相照省府照得即日春

首正及二麥滋榮桑菓生發布種五穀時分切恐
經過軍馬并屯住營寨人等牧放頭疋食踐田禾
啣焚桑菓樹木及強要酒食欺奪物件搔擾不安
失悞農民歲計阻礙通行客旅仰宣撫司行下各
管官司欽依已奉

詔書事理依上照管禁治若有不能斷遣者開具緣
由中來以憑究治施行

欽奉

詔書農桑衣食之本勤謹則可致有餘慵惰則決至
不足正賴有司歲時勸課省府照得即日春首農
作時分仰宣撫司令已委勸農官負欽依所奉

詔書於所管地面內依上勸課勾當務要田疇開闢

桑麻增盛無得慢易仍於歲終考較勤惰明行賞
罰以勸將來

一欽奉

詔書鰥寡孤獨廢疾不能自存之人於官倉內支糧
賑贍仰宣撫司令所在官司依上賑贍仍置孤老
院存恤住坐

一隨路罪囚除犯重刑聞

奏待報外其餘罪囚仰宣撫司審問得實別無冤枉
就便量罪斷遣無得留滯

一体究得隨處盜賊往往生發侵害良民蓋是所在
官司不曾嚴行禁治深為未便省府近為燕京多
被盜去夙明立罪賞嚴切夜禁督勸官兵捕盜人

負將作過賊人盡數拿獲依
條斷罪仰各路宣撫司通行所屬州縣若有失盜
去處照依燕京條例添氣力多設方略隨時捕捉
明立賞格嚴行懲誡如有捉獲強盜之人除官賞
外更於賊人家產內給付充賞若有同伴賊人并
安泊之家及兩隣知而不首者同罪失覺者量
行治罪

一若有游手好閑不紹家業賭博錢物開張酒肆之
人仰所在官司常切禁斷如有違犯者就便拿獲
一州縣之治俱在官吏若得其人百姓安集差發均
平苟非其人定是差發不均民被其害不有黜陟
賞罰何由激勸懲誡據本路見任官吏如有贓污

事者國有常典其才能異衆廉幹可稱者仰宣撫
司開坐事跡保申來以憑聞

奏超擢任用施行

丁巳元夕大風雪晝暝有衆盜劫民家是晚官寮駁
省出重賞捕賊明日獲焉

二月癸巳朔

五日丁酉行省官奉

旨北上後三日憚與偕行者周定夫已刻遇河南經
略使史公於居庸南口相與迎謁道左公問禡相所
在曰次西南土樓村公相見而去知

車駕回塞北兵已敗遁去行者居者為熙然也前次
北口店復有旨山北寒沍可緩來遂還是日遇張國

公於中店說見賈亡金實錄赴省呈進省官時繕寫
進讀大定政要得此遂更為補益之

時鈔法初行惟恐澁滯公私不便省官日與提舉司
官及掾衆議深為講究利病所在其法大約隨路設
立鈔庫如發鈔若干隨降銀貨即同見銀流轉據倒
到課銀不以多寡即裝垛各庫作本使子母相權准
平物估鈔有多少銀本常不虧欠至互易銀鈔及以
昏換新除工墨出入正法外並無增減又中間關防
庫司略無少弊所納酒醋稅鹽引等課程大小一切
差發一以元寶為則其出納者雖昏爛併令收受七
道宣撫司管限三日午前將彼中鈔法有無底滯及
物價低昂與鈔相礙於民有損者畫時規措有法以

制之在都總庫印到料鈔不以多寡除支備隨路庫
司關用外一切經費雖緩急不許動支借貸其錢貫
顯印鈔面將來以錢鈔互為表裏此張本也時週歲
包銀六萬餘定鈔數人及五十餘萬 堂議嘗云若
印至百萬所獲鈔息可盡免天下包差蓋以平準買
易諸物一歲民間毀廢不貲皆為官息也又當時鈔
法有甚便數事艱得一也經費省二也銀本常足不
動三也偽造者少四也視鈔重於金銀五也日實不
虛六也百貨價平七也

二十一日己亥未刻

淮海都督府申宋人圍我海州堂議飛奏外命憚賈
省檄馳海青傳催發經略史公今率河外諸軍往援

既啓行隨得報云宋人已退走遂止

二十二日

後來趣闔省北上越

三月壬辰

五日丙寅未刻

丞相禡禡與同僚發自燕京是夕宿通玄北郭偕行

者都事楊恕提控术甲謙詳定官周止省祿王文蔚劉傑

六日丁卯

于憇海店距京城廿里凡省部未絕事務於此悉行

次遣是晚宿南口新店距海店七十里

戊辰卯刻

入居庸關世傳始皇北築時居庸徙於此故名兩山

巉絕中若鐵峽少陵云峽形藏堂隍壁色立積鐵者

蓋寫真也控扼南北寔為古今巨防午憇姚家店是

夜宿北口軍營月犯東井鉞星或者云斧鉞用兵之

兆距南口姚店三十里而遠

己巳辰刻

度八達嶺於山兩間俯望燕城殆井底然出北口午

憇捧捧店天容日氣與山南絕異以暄涼校之爭逾

月矣午飯榆林驛其地大山北環各自已莽蒼沙磧

蓋古媯川地也是夜宿懷來縣南距北口五十三里

縣東南里許有醴泉井水作淡鵝黃色其曰玉液即

此出也官為置務歲供

御醪焉

庚午

泊統墓店詢其名土人云店北舊有統軍墓故稱是夜宿雷氏驛亭地形轉高西望雞鳴山南眺桑乾上流自奉聖東諸山下注白波洶湧若驅山而東雞鳴山者昔唐太宗東征至其下聞雞鳴故名東南距懷來七十里而遠

辛未午刻

入宣德州申刻 使者也鮮乃至傳

旨趣令諸官速赴

行殿是夜宿考工官劉氏第

十一日壬申

候禡相為一日留蓋有坊碑也距雷氏驛九十里癸

酉行六十里值雪宿青麓

十三日甲戌

至定邊城憇焉蓋金所築故城也是夜宿黑崖子距青麓九十里

十四日乙亥

抵碓場峪蓋金初南北互市之所也是夜露宿雙城北十里小河之東南距黑崖甸北一百有五里

十五日丙子

停午至察罕腦兒時

行宮在此申刻大風作玄雲自西北突起少頃四合雪華掌如平地尺許亂灑河而北次東北土塿下羣山糾紛川形平易因其勢而廣狹焉泉流縈紆揭衣

可涉地氣甚溫大寒掃雪寢以單韋煦如也沙草斃
茂極利畜牧按地志灤野蓋金人駐夏金蓮涼陁一
帶遼人曰王國崖者是也

上命平章王文統草答高麗手詔其辭有誦經供佛為
國祈福良可嘉之語選怯薛丹某官借職伯衛將軍
以高逸民借職禮部員外郎為副使其國將發高麗
世子來覲止焉初高麗國相有以書致寒暄於省府
者欲以書為答且以方略撼之俾見我大

國文加武暢之盛憚曰不可境外之交非人臣所宜
此范文正之言諭元昊遂得罪於裕陵也可不戒哉遂止
十六日丁丑

上遣參知政事張易廉右轄廉名希憲字介甫瀚海

人資沉毅臨大事不可奪其廉正有大臣風節傳
旨慰諭行省官時

御道不啓拜覲者皆俟故留八口而發距雙城七十里
二十三日甲申

次斡子山南距灤河四十里
二十四日乙酉

次桓州故城西南四十里有李陵故臺道陵勅建祠
宇故址尚在未刻朔風發發雨霰交作傳

令方春牧馬不勝寒克瘦弱者悉用鹽毛羶答覆其背
否者以法從事

二十六日丁亥

時諸王有以省令行下本管及祝香四岳者

朝廷以當否為問省官婉辭以對此無他止是爭欲
徵福耳若大制一定此事自革

長霜蔽野如大雪日極高陰凝始釋距鞍子山廿有
五里是日完州人高道字道之来自和林城說迤北
正三月間地草自燃東自和林西至炊州其燃極草
根而止水濕處愈甚人往來者須以樽潘水覆其上
可越又有黑風掠人面如灼兵械及山椒遇夜皆有
火出在山者如列炬然或者云火兵象皆彼自焚消
鏢之兆

二十七日戊子

次新桓州西南十里外南北界壕尚宛然也距舊桓
州三十里申刻斂有兔自北來入王相帳中獲焉公

曰兔陰類惟狡一卒而得吾事其有解矣

二十八日巳丑

飯新桓州未刻扈從

鑾駕入開平府蓋

聖上龍飛之地歲丙辰始建都城龍崗踞其陰灤江
經其陽四山拱衛佳氣葱鬱都東北不十里有六松
林異鳥群集曰察必鷓者蓋產於此山有木水有魚
鹽貨狼藉畜牧蕃息大供居民食用然水泉淺大水
負土夏冷而冬冽東北方極高寒愛也按方志蓋東
漢烏桓地也距新桓州四十有五里

二十九日庚寅

風霾四塞日三丈許方解

三十日辛卯

立夏風色尤慘澹無光

夏四月癸巳壬辰日氣極清明有輝

二日癸未

陰慘盡日

三日甲午

天氣極晴和

四日乙未

頗覺暑氣是日向巳憚從微君實許李洎九道宣撫
候雲叟公疾於私第茶畢而退

秋澗先生大全又集卷第八十

秋澗先生大全文集卷第八十一

中堂事記中

五日丙申

陰晦王相同左右司郎中賈居貞始入

朝陛見

上喜甚既退侍中和者思傳

旨命與諸相集議六曹并九道宣撫事於中書堂

六日丁酉

諸相會左丞張仲謙第

左丞名文謙字仲謙邢州沙河人資安和精茶

其工事因教曰朝家事有大小大事需議可取奏稍緩以决前議大抵選
無方餘則不然吾子切念之今日思之可為至言也

官薄賦評鈔法等事論者頗交雜王曰何傷取其長
便者用焉未刻諸相入見進大定政要因大論政務於

上前

聖鑒英明多可其奏班退

論諸相曰翼日

朕郊祭醴馬酏馬卿等不必扈行凡內外之務比還
悉裁定以聞

八日己亥

天日極晴朗

上祀天於舊桓州西北郊皇族之外皆不得預禮也

九日庚子

清暖諸相圍坐都省集兩曹掾史讎九道民事

十日辛丑

王張廉三相泊賈郎中會議政事因論功利等事且

曰世代下衰其勢有不得不尔者時憚亦預坐因徐
起而言曰功利既不能弛心與術亦不可不辨也且
心以居正為體術以應變為用終之體不失而有成
者為上此大臣所先務也三相愕而起

十一日壬寅保定總管蔡國公嗣子和略以本道鈔
法事未議都堂為經畫之已刻張參政廉右丞會王
相第令詳定官周止縷讀眾士嘉謨而詳聽焉會曰
不為無益也繼會九道宣撫定議官制輕減民賦等
事申刻東北雲起霧若潑墨雨東來散絲千門間乍
暑霽潤為一快也

十二日癸卯諸相集廉右丞第審定前議盧進之飯
馬餉午鑾輅還宮有頃侍中和者思傳

旨召諸相入 朝遂以軍國大政

上聞都俞際衆悉之以對

天顏為喜動且有恨其見晚之嘆是日平章趙壁以軍儲事被譴胥靡於家甚嚴憚時從承旨王公上諸趙公心雖惕厲氣量裕如也從而不去者唯門下士李革在焉趙事為結東平懷事李九山謂此事蓋忘起於陳德秀福成於楚深公實系卷閣行甫云是日河南宣撫兼經略使史公至自汴梁

十三日甲辰卯刻會廉右丞第辰刻諸相入

朝以議定六部等事 上聞

綸音撫尉大允所奏曰向未群疑渙然冰釋比出宮小雨滛塵緩轡沙堤有不覺其喜者晡時張叅政廉右丞會呈相第以奏允諸務未審聽焉

十四日乙巳兩午刻開霽會楊宣撫果張宣撫德輝劉宣撫肅張左丞再議民賦事蓋有所未盡故也十三日丙午有

旨就上都長春宮作清醮三晝夜為民祈福奏告文字交王鶚定撰者其辭有既獲昇矜之福宜隆敷錫之恩六轡屬還歸之際一家孚保又之休言念蒼生不無素擾或凶荒之災相望或轉徙之苦相仍雖勅有司俾修善政更祈照鑒普洽鴻私是日巳刻廉右丞張叅政會王相第呼金齒蠻使人問其來庭之意及國俗地理等事言語侏離重譯而後通國名百夷蓋群蠻之總稱也其地在大理西南數千里外而隸六詔焉曰阿吉者捨迭密長阿列所遺曰鉢布者王

龍川部長塔身所遣借來者八人始自戊午冬發於本土至日足方達上都其人衣冠裝束髻髮于頂裹以絳氈復以白疊布盤繞其首衣以皂緇無衿領之制膝以前裂而編之如懸索然眉額間塗丹墨為飾金其齒蓋國俗之賤者也意思野逸殆驚鹿豕然其土宜稍有牛馬山羊雞豚鵝鴨之屬兵械有刀槊手弩而無弓矢甲冑既而遣還

上命中山人劉芳借職兵部郎中使其國都堂命憚章詔其辭有嘉爾等跋涉脩阻懷德遠來首輸事大之誠克謹畏天之戒轉為宣暢 皇猷告諭隣附俾知國家威靈無遠弗屆之意是日耶律中書來自漠北聖旨

十六日丁未史經略張右丞洎衆宣撫集都堂條具民政

十七日戊申辰刻諸相入 朝以集議聞上一允所奏向夕出宮

十八日己酉省奏准條畫民事凡廿七款為施行之十九日庚戌百僚入見少頃出會東省奉旨召九路總管頒示新典若有所陳即具以聞除河間真定餘略有異同復為商確奏裁以定廿日辛亥

內宴不克見是晚工部石里忽即李被問堂命都司楊恕提控趙謙同憚等磨勘工匠支銷等簿達曙不寐廿一日壬子都堂令憚檢討唐人置信牌鎖長官廳

事諸相辨析石里忽事責遂有所歸已刻既雨而雪
寒江盡日

廿二日癸丑入 見午刻諸相圍坐籬校九道宣撫
殿寂時東平撫司民賦有未足者某官對云云省官
曰不聞詔條使戶口增差發辦方為稱職某官以不
敏謝及議中外新舊官改授定制轉午雨雹蔽地大
者如彈丸俄而風作土下如雨黃霧四塞遠西刻間
開霽

廿三日甲寅司天臺官中順大夫張 為雨土事以民勞
上聞明年新都之建遂經始焉

廿四日癸卯極晴朗諸相入
朝奏准七道宣撫司所行條畫

一中統元年科訖差發多有不盡戶計所據今歲
科差須管子細照勘務要盡實科徵不致隱漏
兼各路投下戶計差發欵奉見降

聖旨亦從各路總管府驗數科徵仰各路管民官照
勘本管地面內見住人民戶及不以其人等
應合收係當差者須管從實盡數科徵見了數
目開坐關部轉行申省

聞奏若是中間却有漏落不盡實去處事發到
官定將當該官吏嚴行斷罪外宣撫司有失体
究者亦行治罪仍先取管民官甘結文字

一中統二年差發雖已定立限次仰各路管民官
更為斟酌彼中事勢催徵如限內併納者聽務

要民戶安差發辦乃為稱職

一起置信牌事緣為各路遇有催督差發勾追官吏等事多用委差官併隨衙門勾當人及曳刺祇候人等投下文字不得搔擾民間轉致遲悞官中事務為此擬定今後止用信牌催辦一切公事據置到信牌編立字號令長官次官圓簽於長官廳事封鎖收掌如總管府行下州府科催差發并勾追官吏等事所用信牌隨即附簿粘連文字上明標日時定立信牌迴日勾銷并照勘稽遲限次究治施行若雖有文字無信牌或有信牌無文字並不准用迴日即仰本人賫擎前來赴總管府當廳繳納當該司吏不得一

面接受落案如違究治據府行下司縣其司縣行下所管抄面亦仰依上施行

一各路所設急遞鋪委自宣撫司提領仍禁約公
路不得奪要文字本管官司亦不得科取差發
錢物并照刷遞轉文字如有稽遲日時約量治
罪據鋪側近住坐或開店買賣聽過往軍馬使
臣人等並不得搔擾遞轉文字除申

朝廷省并本路行移官司緊要文字外其餘閑
慢文字不得入遞亦不得私下夾帶一毫物件
轉送仍常切存恤不致逃竄失所若有違犯仰
宣撫司究治施行

一宣撫司若遇緊要并機密公事須當赴

朝省計稟即仰乘坐鋪馬走迤如是尋常公事
止令入迤轉發除降去起馬劄子外本司更不
得別給起馬劄子

宣撫司起馬五疋 副使四疋

委差官令史人等三疋

一宣撫司官比及頒俸以來權依使臣分例批支
一宣撫司吏刺祗候人比及定奪止設人數每司
權設二十午刻諸相大合食於省堂之西偏奉
旨命平章王文統舉讀史一人遂以詳定官周止膺選
廿五日丙辰諸相按問高麗質子王淳與淇甫
事未刻新舊宣撫拜

命於省中就付條畫新制及諸換授官資者悉裁遣之

廿六日丁巳辰刻入見

上以錢穀大計問平章王文統數對明敏慮無遺策此軍

事皆有成善然後撮其要預使相比

廿七日戊午

上命平章王文統與前省官庭辨中元民賦虛實比
上年多寡之數若人為語塞

廿八日己未暑氣甚隆有

旨昨者比附前政甚優終未服其心也奏准差官使
蒲散禧悉起燕帑所有金帛等物是日特

旨命趙壁平章政事如故其夜諸掾以會計故達
曙不寐

廿九日庚申王相以簿書委積重為規畫授諸掾成

筭以備不時 顧問

三十日辛酉前相臣安天合授西京路宣撫大使仍
錫金虎符特寵異焉未刻堂命憚草宣諭大理及合
刺章俾還本土手

詔其辭有云嘉汝等遠自雲南導從選鋒轉戰千里
直渡鄂渚以達於此勤已至矣今者俾爾各還本土
以遂厥性之語各優賜人有差是日九道所造狐貉
衣裘其數畢具王相命省掾王文蔚并憚用棋方林
子通類比附使見估直高下孰省孰費且曰蓋蓋史
臣年表遺法固非吏輩所能知也蓋有所謂而云

五月甲午壬戌朔黎明達官巨僚畢集中省遂檢前
省民賦以上年比中元數多而所入者鮮以中元比
上年戶同而所入者廣論辨者久之前省官屈服始
無異議焉諸相僉曰先後之事明矣遂具以聞夜漏
下八刻廉右丞賈郎中傳

旨曰若輩無狀凡所以欺蔽不應等事悉索焉以聞
明日癸亥天威雷震前省官始知懼待罪矣中外聞
者有萬口一辭之快是日已刻東平宣撫司申國信
使郝經等為宋人扼駐蘄州渦口不遣入國事既而
知為宋人所誑我實不審所在也未刻復遣戶部員
外郎王煥催發燕藏諸物

初三日甲子晴朗盡日詰問前省官事是日九道宣
撫其先赴攸司及諸換授官入
朝陛辭歡聲和氣洋洋郁郁滿

皇都而載歸路矣上京路總管忙占都喜見諸相於

都堂識所謂海魚九尾者

四日乙丑問前省官事

五日丙寅問前省官事已刻

寡休上人來自南庵諸相就謁於龍光北寺識所謂

温庵主者亦刻有

旨命宣撫姚樞赴省同議軍須調度等事姚字公茂柳城人資明亮深識有

理國子善從征大理有功至元改元轉天下官公力為多上嘗曰公茂善談論物之因者只說出柄未嘗至中書左丞終翰林承旨

是日左司都事楊恕傳

都堂鈞旨令惲草移宋三省牒文向夕陰晦大風其

牒草云

大蒙古國行中書省移宋三省

皇帝即位之初重惜南北生靈之故一視同仁首主

和議特遣信使敬奉國書講信脩睦往年征進六

軍即令分還本屯仍嚴勅邊將非奉

上命毋得妄動爰自行入銜命已來載更歲律寂無

來音真於講脩之事將如何哉不惟有失忱辭反勝

邊釁勢以至攻圍我上石侵軼我鄙鄙龔垂陽擾隨州

劫掠真陽數犯漣水皆出於使輶已入彼境之後夫

信與義自古所恃以為國者也一旦捐棄由直所在

自有任其責者矣若和議可必即當速遣重使與我

行人偕來其或逗遛歲月別有異議請選帥徒具戈

甲預教師期相與會獵於江南之地可也於斯二者

惟所擇焉比來聞將屢請出師以報侵疆之役省府謹守

聖訓弗允所請不識日者數舉果何為而然耶今
大駕北狩已是南還陛見之日何以為奏與早示定
議毋坐失良圖以貽後悔

七日戊辰知刻百夷奉使劉方成行已刻入見多所
陳奏皆常例事內一條禁不得以馬挽車引碾及無
故屠宰重兵力也

是日發即國遣人來獻卉服諸物其使自本立達
上都已踰三年說其國在回紇極西徼常晝不夜野
鼠出穴乃是入夕人死衆竭誠籲天間有甦者蠅蚋
悉自木出婦人頗妍美男子例碧眼黃髮所經涂有
二海一則踰月一則暮月可度其舡艘大可載五十
百六其所獻醜等蓋海鳥大郊分而為之酌以涼醕

即温豈世所謂温涼蓋者耶

上嘉其遠來回賜金帛甚渥是日懷孟路勸農官王

秉中字來王相令訪問枋口去路六十里屬濟源縣

所開水利即令溉民田幾何仲摛曰水舊名古秦渠

蓋魏末司馬孚創修至隋盧賁復開治唐太和間河

陽節度使大加疏導溉河內河陽温濟武陟五縣民

田五千餘頃宋天聖初枋堰始壞至是仲摛復為起

廢又云初興役時掘地丈餘得栢枋數十段稱曰枋

口豈因是得名乎是夜內庭官忽魯不花

不令吉及第二子
時年三十一歲

飲諸相於中省既夕繼之以火二鼓方散

八日巳巳對問前行部尚書馬月忽乃事所牒宋三

省又移河南宣撫史公令改作經略司牒宋淮東制

司施行就令選官充詳問官者經略公以大原士人
崔明道為使南京兵馬副都李合義貳焉以往其意蓋

下頓先以首傲謀之
則後無結焉故也

堂議中書出政之地人雜遷莫能禁奏准

令法薛丹二人監約省度間曰是

中省之務頗清肅焉是日都堂命惲編類歷代水

利管屯田漕運錢幣租庸調等法及漢唐已來宮殿

制度等事已刻

上御萬安閣四川楊侍郎遣其子以弓矢等物具表

來獻及迴

上以手詔答之揚大淵省表具之朕恪守王封遷膺

推戴即位之始不遑康寧惟爾遠成邊陲久服戎政

身外心內來陳賀章宜加寵答之辭以勵忠貞之節

故茲詔示想宜知悉又一回紇醫者貢橐駝三十

頭鞍具幪帕全光彩照地鳴鼓吹螺自臯門而入又

一回紇贊栗色宛馬八拜玉面鹿身聳立如畫所謂

脫必察者也申刻省起諸相候

廉右丞疾

九日庚午推問馬月忽乃事已是日

皇弟摩哥大王世子昌童封永寧王仍改

父王王寶為金印命惲討論古今諸侯王印制遂製

紐為駝作三臺其文曰永寧王印

十日辛未堂議欲以元寶鈔背用關防印誌既而議

不便但令比夕粉壁嚴偽造之禁從揚宣無異議也有

旨遣上都同知阿合馬計點燕京萬億庫諸色物貨
十一日壬申堂議曰古者天子有八寶蓋所以崇天
授而鎮萬方也今

朝廷所用止一寶而已欲議奏令印工季并餘寶皆
刻而為之用古文奇篆殆受命璽然憚曰此非可輕
議也又務繁需再議焉已刻

上手詔宣諭四川侍郎楊某曰勇冠諸將名配古人
知大義之可為籍諸城而來附獻以金帶示以誥牋
載詳終始之誠宜示褒崇之禮可特賜虎符充夔府
路行省兼安撫勾當更宜招懷未附共底不平但桑
蔭不移而能立其功雖茹土至重而朕無所惜其賜
卿某物至可領也

諸相大合食達官巨僚於都坐皆盡醉而罷

十二日癸酉有

旨先召首相二三人入朝餘俟命於省署既而以大
宴不克見上都留守同知阿合馬兼太倉使請立和
羅所以益厚度堂議以曹人李耳字通甫勾當和羅
事改和羅為規措所耳脩人事極經畫也而粒米狼
戾少尹愛其能焉

十三日甲戌究問前省官一切事理皆有定論今左
右司官具奏目然後詳聽已

上間以見上下通知故也午轉大雷電以雨且有雹
蔽地向夕內省官忽魯不花傳

旨令前省官及諸路在都管民等官詰具集

闕下以聽

聖訓明日乙亥寅刻 詔罷東平路管民總管兼行軍萬戶嚴忠濟仍敕戒諸路官寮無是效焉

國有常刑犯不容宥嚴其初授制辭有云尔父承國家興運左右將士同心戮力封植東平屹為名藩我祖宗嘉尔父之功乃建為侯自尔嗣位又廿年

朕初即政復命襲爵往即乃封敬之慎之其修德砥行自立名節勉圖後效無忝先猷至是未見顯咎遽為黜罷或者不知而異焉未刻諸相退朝因坐按問李宣撫王正之等事既而廉右丞傳

上日召平章王文統遂入見

上於香閣夜漏下廿刻方退

十五日丙子誅東平經歷官邢衡銓初邢以事告叅政張易詰對於

上前邢款服

命諸相監戮於都城東十里外張手剖其腹從初讀也十六日丁丑兩廉右丞耶律中書張叅政王平章推攷定奪諸路戶口等事

十七日戊寅諸相復定擬大名西京北京賦稅戶口未刻藏春仲晦來朝諸相就見於李虞卿宅略話而退是日已刻

上臨軒親諭諸路總尹遂以前東平總管嚴忠濟弟忠範為東平總管仍戒之曰兄弟天倫事至於此朕甚憫焉今予命尔尹茲東土非以訟受之也彼

所責匪輕敬哉今而後苟不克荷非若汝兄幸而免也至是知忠靖之失替為其弟所發因各賜馬厶慰遣復有改故從新之諭又黜大名路達魯花赤愛魯魯曾河西人小李鉗部之子也

十八日己卯晴暑

上召前濟南宣撫宋子貞真定宣撫劉肅河東宣撫張德輝北京宣撫楊果於內殿以擢用輔弼為問揚果等前奏曰王文統材略規模朝士罕見其比然以驟加登庸物論不無新舊之間如史天澤累朝舊臣勲碩昭著若使宅百揆大厭人望今文統輩經登其間則省事成矣

上曰置史某相位當有念之矣矣卿等所言允協

朕意因賜食而退

十九日庚辰入見奏裁大拜及六部事

詔以世臣不花經略史天澤為右丞相不花時三歲

憲宗朝怯薛丹長領斷事官其祖

太祖神元皇帝朝功臣父也孫禿花

憲宗朝萬夫長忽魯不花耶律鑄為左丞相忽魯不

花時年三十一歲父不令吉及官人塔察兒廉右丞

平章政事塔察兒時年廿八歲其父

憲宗朝世臣千夫長張參政為右丞宣撫楊果宣撫

高廷參知政事餘如故是日諸相入見將退

上慰平章文統曰卿春秋高恐勞於奏請今後可運

籌省幄若有大議須面陳者及朕有所咨訪入見小

事今人奏來不必煩卿也

上以王姬下嫁午刻幸新桓御營

廿日辛巳奉旨命承旨王鶚定撰諸相制詞

廿一日壬午晴暑闔省大燕慶新除也時既相史公所事皆倚重焉丞相曰天澤武臣何克負荷但物務未安者老夫通譯其間為諸君條達耳相則予曷敢當衆愈服其謙抑皆霑醉而散是晚承旨王公命憚賈所撰制詞呈省其文通作一卷實封細銜書名上用院印或問焉曰白麻蓋自中出令實封防其外徃亦唐人鎖院之意也既披詳或欲有所更定憚力言其不可昔楊億以一壞字不勝其惡况改作乎第修飾之可也其史相詞頭有惟卿世篤忠貞材兼文武

樹戰功於疆場卿力良多論機務於廟堂朕心允協宜示百僚之式俾居諸相之先可特授中書右丞相卿其振紀綱崇體要徃服新寵以壯舊猷

廉希憲惟卿秀拔父兄學尊師友徃綏諸道視民一以如傷就建行臺臨事毅然有斷宜從政轄進署相銜可超授平章政事惟暨乃心以荅朕命

楊果擢秀詞科馳聲劇縣佐兩州之經略才已見稱專比郡之無綏人皆受賜政之參決僉曰汝諧可特授參知政事祗服寵休益思報稱

廿二日癸未申刻堂議定省規一十條

其一曰凡三日一奏事軍國急務不拘此限

其二曰置勤政簿一扇凡公議已定事詳見于簿

讀一譯不得增減。言得日標題於逐款之上還省立檢圓覆定行。

其三曰圓議定時首領官先擬定其事自下而上相次剖決議定題押批判若事關利害情見不同者各具奏宣示。

其四曰圓議時非定員不與知本房者不在回避之限若事涉機密者已次請退。

其五曰同僚赴省日出為期停午乃起旬一日暇事遇急連不拘此限有疾故者須令報知庶免延待而已。

其六曰省府官并屬官各家不許受詞訟公文其七曰如遇闕員圓議公選不得用門下人補充。

其八曰省府通譯史額定選充餘者不與

其九曰奏事

上前宣讀通譯人各一員

其十曰凡告事說事者聽畢避其人公議定然後回。答命曰所畫理到遂施行焉。

廿四日乙酉巳刻奏准粘合中書授平章政事北京行省前歸德府官民總管張子良為河南宣撫使張鑾午刻令郎中賈居貞照勘一切換授

宣牌事無有稽緩

廿五日丙戌平章塔察兒日令參政楊公說通鑑三五段是日至吳太子明審中單矢事塔公掩卷曰我試為論之與正說合一省為屬目僕敬禧起燕京幣

藏至上都辰刻

上觀於內藏喜甚曰自

祖宗已來未有如是之多也申刻平章廉公即中賈居貞掾高明赴新桓御營奏事堂議專委參政揚公定奪內外新舊官資是日諸相授麻制於都堂詔下中外稱賀不勝其喜曰自

國朝開創已來論其得賢於斯為盛時有言其京陽鐵官不便者大抵其民皆殷實上戶歲官得鐵甚鮮不能當田歲輸包絲稅石之數若用此場鐵可增官煬數倍之上堂議曰若奏上

朝廷即從然不重慮恐未免橫議仍令惲與工掾李鼎計勘一歲常課所造幾何橫造幾何一歲通可用

鐵幾何在都廣備庫見有鐵幾何且可支幾年用度其外路應有鐵貨可支幾年用度既已公曰未也若令民間興煬官為抽取凡幾煬一歲通可得鐵幾何既已公曰未也若都除內外見有數日止以民間一歲抽到鐵數可供幾年正橫造作用度既已公曰未也若將冶戶合人差稅取酌中價直一歲委可易鐵幾何有無少餘既已公曰未也更為積筭一歲合用礦炭夫役且以酌中定數有無虧損官民既已公曰未已更為大約鐵官一歲及上下一切侵漁培克虛耗官物幾何既已公曰可也明日奏

上果有恐失悞造作為言者以是應之遂罷冶戶歸民因訓惲等曰書生論事大槩不差及詢其所以方

略鮮有不遲疑者若將讀書苦心移之治此只一燈
之功爾於政事何有汝等勸精焉可也何患茲位之
不到哉是日不魯海牙授御史大夫兼大司農省諭
一切言告事人不得私家請謁投訴遵新令也

廿七日戊子亭午右丞相史公赴 未寧王榮授改

鑄馳紐金印餘相圓坐照對燕京路民賦未刻掌記
魏初來自燕城申刻定議公府署押事右丞相史公
與丞相忽魯不花五日輪番一秉筆長官從上押右
者處外邊一左一右以次而下圓坐亦然所謂廟坐
廟畫也日將夕有大流星隕自巽位白光照野移時
方散是日劉宣撫才卿說前朝省府各房止立鈞
旨簿無行卷六部應呈事務左右司官議定可否粘

方帖於部呈上書送字得都座准議省雜批鈞旨於
後其左右司元書送帖亦不揭去用省印傳其上蓋
上下互為之防然後送部施行燕京路宣撫徐世隆
威卿說舊日戶部設審計科以料週歲所入幾何經
費幾何遇有支發至十萬貫即方呈省大抵係常例
有定體者如百官貫石之類是也外郎邢敏說舊日
郎中與外郎都事另幕坐是年秋與郎中不同處矣
及有所編省臺定式亦有可取者劉宣撫又說舊日
殿上奏事止左右兩司郎中其人賢遇執政有闕即
拜參知政事

廿八日巳丑右丞相史公首秉判署是日命掌記魏
初今史馮松執掌奏事諸簿午刻奉

旨定擬中行兩省去留人負抵暮張右丞下
朝說所奏事

天顏甚喜交史丞相張左丞楊參政留中王平章廉
平章張右丞行省事于燕

廿九日庚寅催督中外一切未經換授宣牌并事恐
留難故也省退王相置酒私第會劉才卿宋周臣姚
公茂王百一竇漢卿張耀卿許仲平李士都蓋留別
故也是日嚴忠範授東平路總管李士都授翰林侍
讀學士其制辭曰李昶學禮傳家明經登第練國家
之典故謹士行之操修方當青史之編宜與玉堂之
選宜公褒貶以示勸懲

夏六月辛未朔如刻良方有青紫二氣橫亘間錯長

表數十丈移時弗散已而霧雨交作不見天官書云
凡星變氣侵三日內有雨大小凶咎即亡嘗以理推
之乖則致異和則為雨既和而雨其災自無經曰往
遇雨則吉是也

二日壬辰晴暑

詔賜不花大王馳鈕金鍍銀印其文曰建昌王印
時王見征戍大理諸部建昌雲南之別稱也都堂為
諸投下種田戶奉

旨逐欵施行一阿木魯拔都魯為頭眾探馬赤官人
每乙未年

皇帝聖旨為逐官出氣力上撥到種田人戶擬自今後
每年除絲線稅糧照依舊例合納包銀內一半納

官一半給付本官用度

阿木魯拔都魯

塔四火魯赤

笑匿反

李里厘兒拔都

闊闊不花

宰羅口

怯烈反

撒及四不花

這裏四迷

按察兒

持不哥兀

也里乾男塔丑

別立古反

一有

幹只思皇后下民戶八十五戶內六十戶元係牙刺
元赤全定包銀來今擬將合納包銀內一半納官
一半赴本投下送納外有諸雜戶計二十五戶內打
捕一十一戶依舊送納絲糧隨營一十四戶種田納
稅買賣納商稅

一有 阿吉赤大王奏告為先奉

聖旨於太原路五戶絲內支與

皇后合數銀一百五十定內除支訖外欠一百二十
定仰於本路五戶絲料內中統一年為始分作三分
年放支與者外據種田民戶二百一十戶合納稅糧
數目令本位下就用除已行下放支外仰照會施行
絲線包銀與其餘民戶一体科撥

一有 塔察兒大王奏漏籍戶事仰依已行

詔書体例行者

一有 阿刺合赤妃子從嫁民戶差發并匠人關取
係官絲線織造段疋本投下送納事仰就便取問本
位下人真據上項民戶差發若前斷事官定下全撥

今擬減免一半如已定減半者今擬全免外據匠人
依前開取係官絲線織造段疋赴本投下送納者
一隨路應有金銀銅鐵丹粉錫礪等窰冶附籍漏籍
民戶盡行罷去分付元附籍地面官司應當差發今
後許令諸人等有願入狀採打煬煉不用官本及占
役百姓者據所得數目官為斟酌抽分若元管頭目
等願入狀不用官本及占役百姓與煬者聽如不願
者許他人入狀承認

一河南路管下舞陽手裏栽薑戶仰與民一體當差
每年合用生薑置就燕京官為和買

一諸投下壬子年附籍軀口仰照依

先帝聖旨日於各各附籍相與依舊例當差者

一張抄兒赤奏隨路樂人差發事仰行下各路宣撫
司與民一例當差止免雜役仍仰各處官司都不得
因而搔擾不安遇有樂人赴闕承應官司斟酌與
起發者

一忽都花奏有茶罕元撥與字羅及壽州民戶內附
籍三十一戶見當絲線包銀稅糧外有漏籍三十一
戶內有打水獺一十戶乞定奪事仰照勘附籍民戶
別無爭差依種田戶例送納絲糧外據包銀一半納
官一半與本官用度所據打水獺戶不須打捕水獺
與其餘漏籍民戶一體於各管官司當差

一藤花戶交各處官司與民一體當差仰斟酌氣力
約量科取加存恤外據年例合用藤花仰所屬地面

官司從長計置趨時採摘依數送納毋致成裂採取
闕少用度

一火赤達刺罕大名府民戶伍伯餘戶每平除納絲
線稅糧外不納包銀止納軍漢車銀二定二十九
兩次後斷事官接脫定下與民一体當差仰依元行
例與民一体當差施行是日未刻奏定左右三部尚
書等官

秋澗先生大全文集卷第八十一

